



Broj: 07-02-04-32093/24  
Sarajevo, 16.08.2024. godine

**SKUPŠTINA KANTONA SARAJEVO**  
- ovdje -

**Predmet:** Odgovor na zastupničku inicijativu zastupnice Admele Hodžić, dostavlja se

Zastupnica Admela Hodžić, na 16. Radnoj sjednici Skupštine Kantona Sarajevo održane dana 10.06.2024. godine u okviru tačke Dnevnog reda „Poslanička/zastupnička pitanja, inicijative i odgovori“, u skladu sa članom 213. stav (1) Poslovnika Skupštine Kantona Sarajevo uputila je zastupničku inicijativu Vladi Kantona Sarajevo, Ministarstvu privrede Kantona Sarajevo, Ministarstvu za rad, socijalnu politiku, raseljena lica i izbjeglice Kantona Sarajevo, JU “Služba za zapošljavanje Kantona Sarajevo” Sarajevo putem Skupštine Kantona Sarajevo koja glasi: “Da poduzmu sve potrebne mjere i radnje kako bi u što skorije vrijeme kreirali „Projekt podsticaja zapošljavanja i saradnje između privrednika Kantona Sarajevo i osoba sa invaliditetom Kantona Sarajevo“, odnosno vaučeri za posao osobama sa invaliditetom koji bi privrednicima dali podsticaj i određene benefite prilikom upošljavanja osoba sa invaliditetom u Kantonu Sarajevo.”

**Odgovor:**

Prava i obaveze Kantona Sarajevo u utvrđivanju i provođenju mjera za podsticanje i održavanje više stope zaposlenosti i poboljšanje strukture zaposlenih propisani su Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/9, 18/13 i 23/24) (u daljnjem tekstu: Zakon).

Naime, članom 4. Zakona, Vlada Kantona Sarajevo, na zajednički prijedlog Ministarstva za rad, socijalnu politiku, raseljena lica i izbjeglice KS, Ministarstva privrede KS i JU "Služba za zapošljavanje Kantona Sarajevo" Sarajevo, utvrđuje godišnji Program mjera za podsticanje i održavanje više stope zaposlenosti i poboljšanje strukture zaposlenih (u daljnjem tekstu: Program mjera), koje mjere se u Kantonu Sarajevo poduzimaju u cilju provođenja pojedinačnih, konkretnih vidova podsticanja zapošljavanja, a kojim mjerama će se ostvarivati ciljevi iz člana 5. Zakona.

Članom 6. Zakona, između ostalog propisano je - da se ostvarivanje ciljeva obezbjeđuje kroz sljedeće podsticajne mjere:

- finansiranje ili sufinansiranje prilagođavanja i adaptacije prostora i nabavke tehničke opreme u cilju novog zapošljavanja, posebno za potrebe osoba sa invaliditetom,
- finansiranje ili sufinansiranje pokretanja i razvoja preduzeća koja zapošljavaju više od 50% osoba sa težim invaliditetom.

Na dio inicijative u kojoj se navodi da je potrebno kreirati jedan javni poziv za upošljavanje osoba sa invaliditetom u Kantonu Sarajevo uz određene benefite i podsticaj za privrednike Kantona Sarajevo, a sve u cilju povećanja broja korisnika vaučera za upošljavanje osoba sa invaliditetom,



Ministarstvo privrede Kantona Sarajevo ističe da na prijedlog ovog Ministarstva, Vlada KS shodno članu 10. stav (4) Zakona o poticaju razvoja male privrede ("Službene novine Kantona Sarajevo", broj 29/15) i članu 2. stav (2) Pravilnika o postupcima u provođenju Programa razvoja male privrede ("Službene novine Kantona Sarajevo", br. 20/21, 25/23, 47/23 i 16/24) je usvojila Godišnji plan provođenja Programa razvoja male privrede za 2024. godinu. S tim u vezi, Ministarstvo privrede KS je utvrdilo 11 pojedinačnih programa koje već uveliko provodi, tako da provođenje bilo kakvih dodatnih programa u ovom momentu je neizvodivo. Generalno provođenje navedenog Godišnjeg plana treba da doprinese daljnjoj stabilizaciji ekonomskog stanja, povećanom privrednom razvoju i unaprjeđenju proizvodnih procesa i tržišne konkurentnosti proizvoda, umrežavanju proizvodnje i znanja, odnosno uvođenju standardizacije i certifikacije novih tehnologija i tehnoloških postupaka, zapošljavanju, modernizaciji postojećih tehnologija i razvoju novih proizvoda i proizvoda s višom dodanom vrijednosti. Finansijska sredstva za provođenje pojedinačnih programa razvoja male privrede utvrđenih u pomenutom Godišnjem planu u iznosu od 8.500.000,00 KM osigurana su u Budžetu Kantona Sarajevo za 2024. godinu.

U konačnici, Ministarstvo privrede KS podržava inicijativu zastupnice Admele Hodžić i smatra potrebnim i opravdanim da se Program mjera za podsticanje i održavanje više stope zaposlenosti i poboljšanje strukture zaposlenih izmijeni u onoj mjeri koliko je moguće, odnosno koliko je izvodivo i prihvatljivo.

Ujedno napominjemo da je Ministarstvo privrede KS uputilo JU "Službi za zapošljavanje Sarajevo" Sarajevo akt kojim posebno ističemo - da podržavamo predmetnu inicijativu.

S poštovanjem,

**Prilog:** Akt Ministrstva privrede Kantona Sarajevo, broj 07-02-04-32093/24 od 15.08.2024. godine



Dostaviti:

1. Naslovu,
2. Vlada Kantona Sarajevo,
3. Evidencija,
4. Arhiva.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-122, Fax: + 387 (0) 33 562-226  
Web: <http://mp.ks.gov.ba>, E-mail: [mp@mp.ks.gov.ba](mailto:mp@mp.ks.gov.ba)



Broj: 07-02-04-32093/24  
Sarajevo, 15.08.2024. godine

**JU "SLUŽBA ZA ZAPOŠLJAVANJE KANTONA SARAJEVO" SARAJEVO**  
**Ulica Đoke Mazalića broj 3**  
**71000 Sarajevo**

**PREDMET: Zastupnička inicijativa zastupnice Admele Hodžić**

Zastupnica Admela Hodžić, na 16. Radnoj sjednici Skupštine Kantona Sarajevo održane dana 10.06.2024. godine u okviru tačke Dnevnog reda „Poslanička/zastupnička pitanja, inicijative i odgovori“, u skladu sa članom 213. stav (1) Poslovnika Skupštine Kantona Sarajevo uputila je zastupničku inicijativu Vladi Kantona Sarajevo, Ministarstvu privrede Kantona Sarajevo, Ministarstvu za rad, socijalnu politiku, raseljena lica i izbjeglice Kantona Sarajevo, JU "Služba za zapošljavanje Kantona Sarajevo" Sarajevo putem Skupštine Kantona Sarajevo koja glasi: "Da poduzmu sve potrebne mjere i radnje kako bi u što skorije vrijeme kreirali „Projekt podsticaja zapošljavanja i saradnje između privrednika Kantona Sarajevo i osoba sa invaliditetom Kantona Sarajevo“, odnosno vaučeri za posao osobama sa invaliditetom koji bi privrednicima dali podsticaj i određene benefite prilikom upošljavanja osoba sa invaliditetom u Kantonu Sarajevo."

Shodno navedenoj inicijativi, Ministarstvo privrede Kantona Sarajevo (u daljnjem tekstu: Ministarstvo privrede) ističe da su prava i obaveze Kantona Sarajevo u utvrđivanju i provođenju mjera za podsticanje i održavanje više stope zaposlenosti i poboljšanje strukture zaposlenih propisani Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/9, 18/13 i 23/24) (u daljnjem tekstu: Zakon).

Naime, članom 4. Zakona, Vlada Kantona Sarajevo, na zajednički prijedlog Ministarstva za rad, socijalnu politiku, raseljena lica i izbjeglice KS, Ministarstva privrede i JU "Služba za zapošljavanje Kantona Sarajevo" Sarajevo, utvrđuje godišnji Program mjera za podsticanje i održavanje više stope zaposlenosti i poboljšanje strukture zaposlenih (u daljnjem tekstu: Program mjera), koje mjere se u Kantonu Sarajevo poduzimaju u cilju provođenja pojedinačnih, konkretnih vidova podsticanja zapošljavanja, a kojim mjerama će se ostvarivati ciljevi iz člana 5. Zakona.

Članom 6. Zakona, između ostalog propisano je - da se ostvarivanje ciljeva obezbjeđuje kroz sljedeće podsticajne mjere:

- finansiranje ili sufinansiranje prilagođavanja i adaptacije prostora i nabavke tehničke opreme u cilju novog zapošljavanja, posebno za potrebe osoba sa invaliditetom,
- finansiranje ili sufinansiranje pokretanja i razvoja preduzeća koja zapošljavaju više od 50% osoba sa težim invaliditetom.

U konačnici, Ministarstvo privrede podržava inicijativu zastupnice Admele Hodžić i smatra potrebnim i opravdanim da se Program mjera za podsticanje i održavanje više stope zaposlenosti i



poboljšanje strukture zaposlenih izmijeni u onoj mjeri koliko je moguće, odnosno koliko je izvodivo i prihvatljivo.

S poštovanjem,



Dostaviti:

1. Naslovu,
2. Evidencija,
3. Arhiva.



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-122, Fax: + 387 (0) 33 562-226  
Web: <http://mp.ks.gov.ba>, E-mail: [mp@mp.ks.gov.ba](mailto:mp@mp.ks.gov.ba)